

棟亭詩鈔目錄

卷八

軒前殘菊

掃竹上雪望諸同人不至

寓齋即事與諸同人夜話有懷晚研曾寓此

三年

可亭過訪即事口占

暢春苑張燈 賜宴歸舍恭紀四首

正月二十九日隨

駕入侍鹿苑二月初十日

陸辭南歸恭紀四首

南轅雜詩

雨寒書院小酌王竹村以餅肉相餉即事戲
與元威雲村蓼齋己山璪亭吹萬共賦索
竹村和用東坡集中韻

白杜鵑雌雄一雙江天御得自吳門索題漫
賦四首

書院述事三十韻荅同人見投之作兼寄前
詩局諸君及滙南于宮綺園

城西看牡丹四捷句

元威網菴送牡丹口占代東

白杜鵑意謂聲似鷓鴣復題二詩正之

巫峽石歌

蓼齋餉麻酥笋豆鵝卵題三捷句志謝兼索
數句爲笑

小遊仙十六首

和同人詠西軒柳

已山枉過西軒得又昭蓼齋書漫賦時東田
先至

聞南軒書聲與蔗軒赤霞東田已山分韻有

懷書局諸子

桐陰

九夏將殘颼颼風至揚州西院校書偶題

商丘宋尚書寓近書院往來甚適漫志三首
且訂平山之遊

西軒

疾小已偶成

病瘖諸子日夕撫視志感少愈當逐頭細書
以伸此意

棟亭詩鈔卷八



千山曹寅子清撰

軒前殘菊

豔豔秋將盡
萋萋葉未零
色衰渾藉紫
露重自扶齡
小憇登高步
長開送客亭
挹香來老伴
清影半山屏

掃竹上雪望諸同人不至

雪壓軒前竹
清晨自捲簾
驚風瀉餘溜
幽鳥聚深檐
健起一庭碧
浮膏半井甜
只愁埋屐齒
開道有長欵

寓齋即事與諸同人夜話有懷晚研曾寓

此三年

凌結銅蟾戢墨兵衰疲那競世間名糟衣一隊殘
司局米汁三年老弟兄傳舍紛紜真畫西陶輪迴
幹謾呼庚草玄亭下梅千顆可憶荒堦夏竹聲

晚研

自云家園有梅數千
本歸築亭終老其間

可亭過訪即事口占

藥圃閔拋鶴背鋤親情還摘雪畦蔬殘年北去南
來雁過日東流西上魚不急音書空泛泛乍寒淮
水亦舒舒鬚鬚白盡輸君健偃蹇時應稅鹿車

暢春苑張燈 賜宴歸舍恭紀四首

月路煙霄徹地澄上林春燦九華燈暖隨榆柳初
傳火象衍魚龍漸泮冰閣外蒼山排玉笋盤中珍
果薦窠綾蘭臺異數曾沾渥賦擬枚臯拙未能
遐荒旃毳仰陶甄筐篚微忱切下臣憶祝

堯年書甲子重瞻玉曆紀壬辰狂收瀚海鯨鯢靖
清潤瑤山草木新

上壽普天歌

聖孝生民同慶太平春

光浮太乙照千門徧召陽和布密

恩輦路餘磨敷細草籞闌分餉及中尊久慙衰病
承貂珥乍眩青紅列只孫放仗幾家籠蜜炬緩歸
騎馬月中村

風香繞路拂紅綃自擬長叅寄具寮湖滙萬泉清
地紀春迴北斗見天標幸無鄰比喧腰鼓嬾逐游
人上塊橋寶勒金鞍少年事祇應龕火伴幽寥

正月二十九日隨

駕入侍鹿苑二月初十日

陸辭南歸恭紀四首

雲影觚稜曙色開雞鳴問寢

大家來天長上苑應修禊節近中和已洊雷黼帳
行開稍麥宴鑾輿高出晾鷹臺期門百隊龍旂後
更有名王萬騎陪

喀爾喀厄魯德盡
歸旗奉藩來朝

一層宮樹一層雲五柞長楊望不分舊屬攸飛能
搏虎分番郎舍盡攻文濡毫乙夜酬封事列陞辛
盤賜禁軍拖玉廿年空皓首衰殘何以報吾

君

府制精嚴備

聖朝漫言干戚靖三苗請看邊海車書會坐致蠻
荒兵甲銷幾輔治繁須大尹殿庭宿衛有驃姚執

鞭敢奉周廬士又趁星槎萬里遙

盛京黑龍江浙江西安將軍俱同陛見

二月浮陽似水明紅門萬勒寂無聲地寒沙柳藏
狐兔道僻村墟聚麀麀束髮舊曾充狗監彎弧中
歲度龍城

宸游扈從期何日空檢丹黃註兩京

南轅雜詩

料石岡南窳堵波春城初傍紫泉河暫時也得掀

橈趣二月冰凌繞埭多

新城泛舟至白溝

瓦橋官柳嫩黃生魚麥鄉關倍引情惆悵殘年王

比部鬢毛憔悴庾蘭成

趙北口憶阮亭句

三栝野具椒花雨一領新縫白兔裘過酉那知風

伎倆油窗月晒枕東頭

宿任丘

七字吟酣可拔貧多生寒乞笑詩人金風亭裏金

針秘祇度凡夫證小身

題撫韻後

瀛州土瘠拙倡優笛鼓掀棚鬧不休想到來朝近

春社樗村煙壠正呼牛

乞活城西白草稍平原一派響鳴散金狷玉勒無

停跡風捲寒沙上鳥巢

過河間大風少時曾游獵於此

龍額弓高莽聚灰房淵百里變蒿萊華陽夜半傳

琴去頭白高生跨馬來

阜城題壁屨長一尺高允事

碧油捻具入中殮方物曾聞奉

至尊乞與南人作新樣杏花寒食鬪江村

景州鐵枝大吏以入

供坡詩佳人歷扁金甚似之

乍涉寒流振紫纓禹城雅鳥喜同聲引韁還是偏

南是濟上船郎縮柁迎

風止德州曉發時擬游跑突泉仍改中路

薺麥風多迫曉寒華筵坐久視香盤故鄉咫尺書

頻到畫鶴堂陰徧牡丹

高唐署中留題

不遇王喬死即休吾山何必樹松楸黃初實下千

秋淚却望臨淄作首丘

過東阿子建聞曹丕受禪大哭見魏志

石勒曾為廝養卒桓溫堪作帳前兵六梟一博天

難定枉使姦雄笑後生

過莊平和
沈勝友句

滄洲酒滑碧琉璃小榼分携步步隨笑對馬軍馳

不得緩歸猶及送梅時

得滄洲期至揚
州餉諸同人

江城無日不埃風園內新紅歷舊紅料是高花易

狼籍儘餘婪尾待衰翁

得書寄西
軒諸子

御史行中老校書銀臺班上舊緋魚前驅不用呼

排岬只載行春酒一車

將至兗州
囑南使

一龕皮架疊書函恰趁前人號眈菴送得升天幾

彌勒年年搖膝出燕南

明楊用修以升菴字其所乘轎又前輩
云士大夫不肯坐出彰義門定卧着出

去因戲
題之

蹇帽樓衣不滿斤雨晴奴子日紛紛馬前已見鳧

山了可怕東風長白雲

次鄒縣微雨

北地敲凌滿進船

正月雄縣即鑿冰候水圍

吳檣東望信悠然憑誰

暫放南湖水不借追風七寶鞭

聞湖開下板舟不得上有寄

嶮呀青壓鍾吾國沂水流經郟子城二十三年真

抹電野橋何處記鈴聲

庚午歲子以使命任吳門有題壁詩忘其落句壬辰二月過界河續成之

賣馬求船劇底忙

放翁句賣馬求船猶少日

短篷乘溜撒紅韁來朝

便遇腰琴子莫漫題詩贈閻郎

臺庄得船夜發聞東田璪亭在宿遷候久先馳一詩慰之

雨寒書院小酌王竹村以餅肉相餉即事

戲與元威雲村蓼齋已山璪亭吹萬共

賦索竹村和用東坡集中韻

新城舊城衙鼓動
邸門麋踐春泥重
行臺祿料支不前
園官菜把勞擔送
今晨鑽火愁兩童
坐客傳餐來二仲
禴祭那問東鄰牛
清齋久轅廩家獲
一食何殊煦聚淵
九螯共笑脂藏洞
不有才王齋脯炊
幾希區脫求羶種
拭匕還矜大嚼能
堆盤早饜諸徒從
何時晴郊快出游
小車急辦行追共
萬想無如飽即休
三咽亦假饑爲用
始訝僮翁目睨靈
鶻突更審癡兒夢

予帶織使校書時諸部院使以科事俱集揚州

白杜鶻雌雄一雙
江天御得自吳門
索題

漫賦四首

怨鳥啼春無惡聲，隔櫺毛羽望分明。
頻伽隊裏修長命，鸚鵡巢中感寄生。
竟夕司花搏雪影，殊方掌食飼雲英。
歸飛正穩千山夢，可那間關亂早鶯。

華陽有筆紀朱提，杜老嘗聞再拜詩。
毛裏也應憐肉攫，網羅猶幸骨冰絲。
携歸鶴市春將晚，行過蠶叢客自知。
昨夜林亭饒月色，小筓移近向南枝。

草本

云似雀鷁殊不類

浴罷銀沙不著泥，一雙俛啄一雙栖。
難分蜀國雌雄鳳，漫繪宣和子母雞。
候處筍蝦愁爛賤，吟成粉

東坡言金卷八
壁上題詩破紫苔花前酌酒更徘徊日斜鶯倦出門去收拾殘香好再來

元威綢菴送牡丹口占代東

角酒量文帖乞花竹西春老客思家夜來金谷誰爭長塞破寒廳鬪寶車

烘霞錯繡上銀屏偃露敲風要使令七尺光中真醉倒願花長壽祝花靈

推邢亞尹靜無辭隨例煎酸不作詩一捻妖紅三束錦何須越網網西施

無論魏紫與姚黃曲朶牀頭共飲香兩日畫簾閒

棟亭詩別集目錄

卷一

江行

錢塘曉潮

登燕子磯

秋日過訪芥公

登雞鳴寺

九月十五夜與阿蒙樸仙嘯亭酌月大醉兼

送樸仙明日渡江用少陵韻

初明調玉移居

枯桐鑿琴鳳凰老鴛鴦冢上生秋草地下傷心人
不知綠蘿紫竹愁天曉清霜九月侵羅衣血淚灑
作紅冰飛蘭椒桂酒爲君薦滿地白雲何處歸

喜雨

小雨亦可喜霏霏巷陌邊霑衣不成潤著草自添
妍但使浮塵淨須知淚眼懸幾回凝遠睇散步詠
涼天

漸暮聞涓滴春光向此歸綠迷三里霧清閉一城
扉弄水兒皆去荷鋤人欲稀東南應有望地下土
膏肥

半夜不知何處玉簫聲

流水行雲無定踪芙蓉漏盡一聲鐘自慙退食從容慣幾處紅橋煙雨逢

西苑晴二首

晴光照疎樹爽氣滿西樓斷嶺煙猶暗寒波淨不流採菱聞遠曲撥棹動潛鉤漸覺芙蓉老紅衣處處秋

鳥語涼陰外魚吹紫蓼傍高天下空碧野岸冷疎香秋色二千里歸鴻三五行遲遲故園信悽惻憶縫裳

棟亭詩別集目錄

卷二

賓及二兄招飲時值宿未赴悵然踏月口占

兼示子猷二首

冲谷四兄歸溲陽予從獵湯泉同行不相見

十三日禁中見月感賦兼呈二兄

長安中秋四首

過甘園

再遊功德寺

羅文峪

送舒康伯南歸

馬上望戒壇次耦長韻

榴花

殘榴

臘月十六日過南城留飲

宿金氏園亭

喜吳調玉至

憶芥公上人二首

期葉桐初不至

哭陳其年檢討

聞蛩感題二首

青杏況梅有感之作三首

西堂集諸同人限薰風南來四字四首

微雨窗蕉綠甚漫成二首

和吳雪篷塞上四無詩

汪上若程勁飛過訪野航自天津初歸

送鮑子韶赴粵東將軍幕

子猷摘諸葛菜感題二捷句

哭醉行

為蘿山哭
勁飛作

病中冲谷四兄寄詩相慰信筆奉荅兼感兩

亡兄四首

熱甚潘雪帆見枉

禹尚基卜居圖索題

西村師教子導引却病戲成二詩時師將歸

清涼

悽惶嶺

出谷入谷日已昏
寒潮汨沒打關門
當年客戍腸皆斷
此日龍旗百萬屯

送陶奉長還長沙

不見海榴紅照眼
翻驚萬里泛歸槎
燕臺燕市全非古
湘草湘雲自有家
五月江濤新戰水
百年籬落舊栽花
懸知更在羲皇上
寄語梁園客漫譁

過亦園望西山作

名園佳水易斜曛
錦幃斑駁笑語紛
不道碧峻常淡掃
一層疎柳一層雲

坐月憶調玉

離別何關月清光似惜子悠然出林表索爾入窗
虛顧影遙分席焚香靜掩書思君最初夜何處倚
村閭

九月送荆閩公桐初調玉同賦

潦倒髯公意氣豪只教五斗勸葡萄寒城月上
一聲鼓卧榻水橫三尺刀正欲狂吟愁病肺好將山
色戀綈袍此身未老君強飯明日北風天更高
雨夜有感兼寄江南諸子二首

殘春猶矍鑠野客盡飄零櫻筍憐微病糟醅懼獨

分明草際孤螢尾
笑指漁燈宿白沙
夢裏匡廬誰
著眼野航天際竟還家

題錫山蔣氏酒樓

秋樹晴河一里煙
朝來洗漱盡名泉
買田陽羨應
猶過此處樓居即是仙

涼語

銀牀夜汲聲
丁東月波淡
布星朦朧柳飄屋角西
南風移牀拂簟庭當中
綵巾安匹簾下櫳
何以燕息如弛弓
離離白影搖方空
眠音漸純無夢通
百八撞打高城鐘
曉來啓戶尋涼蹤
土囊括口力已

懷抱萬古歡精默免榮辱豈無江海心隨時聊自
足年華亦已警寓目皆吾屬散髮坐疎林遙山入
空綠

俗客不入山春光向幽獨驅童力畎畝日暮閒林
麓雪溜冷涓涓野花開石屋經營無我心茗香睡
方熟

題畫三首

崖前樹色不知老溪上白雲終日閒歷歷舊遊如
在眼只餘幽夢到青山

羣山滴翠雨初收渡口無人灌木稠茅屋數間門

自掩桃花深處有行舟

一線飛泉如髮直兩崖山色似眉青箇中清興真
難負更欲憑高置草亭

旅壁讀阮亭渡易水詩且述牧齋西樵句

感賦

荆卿負奇氣寄跡屠沽流燕丹困無道罄折思報
仇殺馬復殺妾於勢不可留高步入秦庭四顧誰
與儔渺渺秦武陽倒提血髑髏圖窮祖龍走不中
實已羞豈云劍術疎促迫敗良謀所以高漸離擊
筑矐兩眸終始雪一恥惟勇以義酬而彼二孺子

亦各成千秋悲風何蕭蕭落日明古丘從來燕市
上寂寞酒人遊

讀顧文饒洞庭龍女詩戲題其後

鬼神偏亦解相思貝闕春愁十二時不信柳郎成
底事虎頭端的爲情癡

送舒康伯南還

杯酒論文後忘年交益親三春隨杖履一別在河
濱天地愁征馬鶯花送故人旗亭莫歌鳳鄭重百
年身

馬上望戒壇次耦長韻

白雲滿山誰打鐘馬首西來路不逢即此相看如
一夢因緣還欠戒壇松

榴花

觸熱愁驚眼偏多爛熳舒亂煙裁細葉新火照叢
書未了紅裙妬空將綠鬢疎風前渾豔盡過雨更
何如

殘榴

繁花迷赤日結子待清霜涼燠知生苦枯榮動客
傷勢低餘鳥啄葉瘦亂蟲藏眼見秋風勁纍纍
短牆

臘月十六日過南城留飲

月減一分明春先兩日晴市喧秧鼓競花暖鹿裘
輕檢點歲時樂徊徘京洛情衝泥莫辭遠歸路故
人迎

宿金氏園亭

殘宵舒短夢歷歷紀遊踪忽警北窗雨滿疑東澗
龍香清知滅火曉動欲聞鐘蕭散人間意孤雲第
幾峰

喜吳調玉至

晴光千里至南嚮發愁思豈必停車客先期繞柱

時將鬚驚貌改把信說梅遲一醉真無意千山雪
正披

憶芥公上人二首

忽憶山窗下殷勤禮白雲妙香飛宿雨貝葉展斜
曛一掃真空見三皈世願分無由汲銅井重與淨
埃氛

徒倚隨吾意行吟此病身寒花皆自笑饑鶩漫多
嗔天闊雲難住樓高月易鄰算來強食是何處有
閒人

期葉桐初不至

聞道兼程至齊山一片深世寬由客嬾詩苦向誰
吟索寞過花市因循卧竹林不憂吾道在攬取百
年心

哭陳其年檢討

百年重五恨一夕上元遊豈合人間住多應天上
留玉簫寒倚月楊柳暮侵樓得似遼東雀重來弔
故丘

見雁懷馬伯和

苦憶白眉叟頻來送我歸空江停去棹老淚落吾
衣半醉憐攜鐻長歌羨采薇忍看霜後雁日日向

南飛

春日軒下種秋花

昨宵微雨好溼透軒東隅曉起得晴光把鍤下堦
除下堦淡無言獨自理荒蕪不惜筋力勞但恐時
節殊地靜室已幽況值人事無人生愜所好隨處
有良圖春懷勤草木亦不爲陋愚乃有數種花不
與時令俱趁茲長養力他日堪自娛細種隨手下
幾日生根鬚敷榮有遲速雨露同所濡氣感花性
生土暖花身蘇轉眼見顏色預使心中愉西園別
已久南望常嗟吁

放愁詩

哀茲渺身包羅百憂膏煎木寇日月水流我告昊
天姑爲放愁 天淨如鏡明含萬蠢仰呼不應口
枯舌窘摩撫劬勞泣涕星隕 五臟六腑瘡痍未
補芒刺滿腹荼蘼毒苦反照四顧覓愁何所 南
山有松脊令于飛我今褰裳采藿采薇白髮坐堂
綠髮立堦良食衍爾含飴哺孩手足輯睦琴瑟靜
偕千春相保咫尺莫乖 豐穫勤耨饘粥偃僂偶
有旨酒爰念好友二簋相享薄醉攜手俯察濠梁
傍啗芻狗 騎馬食肉轉背枯骨仙人羨門披葉

跨鹿菖蒲紫茸金丹紅熟飽食生翼風雷捧足抱
一以終返魂于屋千年萬年愁不敢出

棟亭留別

客至皆題棟從今有棟亭難將一掬淚灑作萬年
青夕霧收全幔寒山掩半屏悠悠後來者材否念
居停

夜雨和葉桐初

血淚一秋陰西風共此心寒鉦荒署滿秋蠟夜堂
深江海皆無限家山不易尋還傷投分友空作望

晴吟

桐初作望晴
詩期于返也

送袁士旦遊吳下二首

蕭颯西河樹誰爲感舊人多君真世德
蕞爾總埃塵服古才難細諳時句易陳
但能舒醉眼鍾阜尚嶙峋

一笑神州路皇皇九旅寒何如晚簷臥
贏得早梅看盤飮初敝栗袍緜再練紈
五湖歸亦好雜還馬曹官

雪霽

漫漫誰復辨茅茨內外皆寒鳥起遲
小苑調駒宜此日頽城倚杖亦多時
銅龍飛去鍾猶吼玉筍排

來山自知何意東風偏澹蕩不教一片接燕支

自潤州至吳門行將北歸杜些山程令彰
作詩見寄奉和二首

遲客能無酒長遊不出吳風濤宜此世花鳥合爲
區劃指千人和浮香一榜孤向來真草率白恰漫
江湖

莽莽開帆雨初殘見月生山前無定宅篋裏盡長
城活火諳泉味清眠稱櫓聲蓴羹吾豈厭未擬換
桃笙

出隱園小亭復題一首

客行不待主從容
日落天寧寺裏鐘
獨下茅亭呼款段
薦蘿纏死一株松

聞蛩感題二首

荒衙敗砌啼相伴
船裏青苔又一秋
怪爾涼蟲心不死
黃河直北是幽州

棟亭落葉無人掃
八月西風孤枕中
我亦何心說飄泊
苦吟須讓不凡蟲

青杏況梅有感之作三首

憶花愛果大凡情
頻念爲兒遶樹行
此日望中疑濺齒
可憐酸苦未分明

梅酸杏苦春來味北果南花勢不同慰眼遽勞生

摘取妬饒朱老喫吳中

謂樸仙

昔思爲酪滯江煙何限青九觸馬鞭任願昏風移
瘠土儘教甘雨借肥天

西堂集諸同人限薰風南來四字四首

江湖方浩蕩今昔幾同羣願客常如夏緣堦草正
薰卑栖非異俗列坐盡能文衡宇偕攜手低徊問
白雲

萬事看舒卷情親在眼中喜沾鷓鴣雨笑逐馬牛
風項領期成子提沾近約僮歡塲誰最健實有鹿

皮翁

野靄投深幔天街少過驂羽林嚴極北甲第徧城南涼借幽并氣清兼梵唄譚紛紛落麈尾髮短不須簪

謾許投壺賦還憐草檄才終成過鄴去絕勝渡江來東里聞吹竹輕颺激落梅絺衣共清露月上黃金臺

微雨窗蕉綠甚漫成二首

塵埃更比暑難消休沐初欣雨灑朝一日不聞車轂響世間何物綠如蕉

